



Claudii Fleurii Abbatis Historia Ecclesiastica

Ab anno Christi 1525. usque ad annum 1529

Fleury, Claude

August. Vind. [u.a.], 1769

VD18 90118480

§. 18. Apulia a Lautreco ferme subacta, & Melphia urbs capta.

[urn:nbn:de:hbz:466:1-66472](https://nbn-resolving.de/urn:nbn:de:hbz:466:1-66472)

Sæcul. XVI. Germanorum peditum, quibus Valde-
 A.C. 1528. montius Comes præerat; ducebat e-
 tiam Tendæ Comes tria millia Helve-
 torum, quos ductore Burjeo tria Gal-
 lorum peditum, necnon quatuor Vasco-
 num millia sub Petri Navarri imperio
 præter decem millia Italorum seque-
 bantur, ex quibus omnibus plusquam
 viginti octo bellatorum millium exerci-
 tus conflabatur.

§. XVIII.

*Apulia a Lautreco ferme subacta, &
 Melphia urbs capta.*

Bellay l.c. Exeunte mense Februario Aprutium invasit Lautrecus, quem Asculum, Aquilæ, ceteræque omnes urbes portis ultro apertis velut patriæ liberatorem exceperunt. Cum vero Cæfarei, eoquod tormentorum apparatu destituti essent, jam antea auffugissent, Galici exercitus Dux copias suas ad oram maritimam ducebat, unde sibi magis expeditum reddebat accessum ad Apuliam Dauniam, ubi octoginta aureorum milia accepit, quæ portorii nomine pro mercibus evehendis Mense Martio in hac Provincia solvebantur. Hanc pecuniarum summam Lautrecus in rem suam vertebat, cum Apuliam intraret; quippe Sulmonensis civitas nequidem

ex-

exspectata deditio[n]is denunciatione ul- Sæcul. XVI.
tronee se Gallis dederat, facilique ne- A.C.1528.
gotio totam hanc regionem sibi subje-
cisset Lautrecus, nisi Philibertus Cabil-
lionensis Aurasiae Princeps in quodam
eminenti loco, quem Trojensis urbis
tormenta tuebantur, castra posuisset, eo
fine, ut viam obsideret, per quam com-
meatus ex Bariensi & Sipontina urbe ad
Cæsareos advehebatur. Hunc tamen
Lautrecus inde propulsabat, totusque
Cæfaris exercitus sequenti nocte sine
omni strepitu castra movit, tamque tur-
bato ordine Neapolin contendit, ut cer-
ta clade prostratus fuisset, si Galli fu-
gientes insecuri fuissent; ast id minus
consultum Petro Navarro videbatur;
unde Lautrecus, cum hujus Belliducis
sententiam ceteris præferret, in Melphi-
tanæ urbis obsidione hærebat. Pro-
pugnabat hanc civitatem Joannes Ca-
racciolum cum tribus præsidiariorum
millibus, qui invicta equidem fortitudi-
ne obsidentium insultus sustinebant, ni-
hilominus secundo impetu devicti una-
omnes præter quatuor incolarum mil-
lia jugulati sunt. Captus etiam fuit
Melphiæ Princeps, ejusque conjux ac
liberi ad arcem fugientes sine repugnan-
tia sese victori dederunt: Cum vero
Cæsar pro redimendo hoc Principe ly-
trum pendere renueret, ipse Francis-

Hist. Eccles. Tom. XXXV.

E e cum

Sæcul. XVI. cum Galliarum Regem supplex adiens
A.C. 1528. ab eo libertati restitutus est, in cuius be-
 neficii memoriam usque ad vitæ suæ
 finem Regi integra prorsus fide sua de-
 vovit obsequia.

§. XIX.

*Totum ferme Neapolis Regnum a
 Lautreco subactum.*

Guicc. lib. 18 Melfitanæ urbis expugnatio tantum
Paul. Jov. terrorem toti Neapolis Regno in-
 cussit, ut mox Barulum, Tranium, Ve-
 nusia aliæque circumvicinæ urbes sese
 Lautreco subjicerent, eo quod Cæsarei sua
 inde præsidia eduxissent. Harum urbium
 exemplo permoti Capuenses, Nolani, A-
 cerrani, & Aversani itidem ditionem
 fecerunt; unde sola Regni Metropolis,
 Manfredonia & Cajetta supererant, quæ
 urbes in Cæsaris fide constantes per-
 stiterunt. Cum igitur Ferrariæ Dux
 præter hasce civitates in toto Neapolis
 Regno nil ultra Imperatori reliquum
 esse cerneret, adeo Hispanorum res, in-
 clinante fortuna ad exitium spectare ar-
 bitrabatur, ut filii sui cum Galliarum
 Regis Sorore nuptias, quas hucusque
 sub vario obtentu differebat, tandem
 perficere festinaret.

Nec tamen diu fortuna Gallis pro-
 pitia fuit; Lautrecus enim cum Vir-
 eslet